

Parlamentario Chris Romero di MEP

“Un reto nobo a cuminsa”

ORANJESTAD - Den parlamento ayera mainta a huramenta 21 miembro di parlamento. Entre nan tin 6 parlamentario nobo. MEP tin 4 di parlamentario nobo y Chris Romero ta un di e parlamentarianan nobo cu a huramenta.

UN RETO NOBO

Chris Romero a splica cu un reto nobo a cuminsa. E ta den e fase caminda cu e ta laga di duna les y drenta den un periodo pa yuda controla gobierno y trece idea y solucionnan, como tambe leyman cu ta cumbini pueblo di Aruba. E cambio no a bay di e facil ey, segun Romero, pasobra con cu bay bin, e tin basta aña ta dunando les. Muchanan lo bay sinti su falta y e tambe ta sinti falta di e mucha y coleganan. Cu tin trabao, esey ta sigur segun Romero. Tin hopi reto nan dilanti. Lo bay tin tempo

difícil mirando nos economia, pero segun Romero, trahando hunto, no importa e color di partido, por saca solucionnan pa saca e pueblo dilanti.

MAS DI CHRIS

Esaki ta di dos biaha cu Chris Romero ta drenta parlamento. Na 2009 el a drenta pa 3 luna y awor aki e ta aden pa un temporada mas largo. Sigur hunto cu su coleganan di MEP, nan ta preparando un plan, con lo bay sigui pa e proximo 4 añanan aki. Romero lo bay ta hopi activo. Sigur lo bay tende hopi di dje rond y e lo haci su best pa ta tur caminda y trece e palabra di pueblo pa e gobernantenan. Esey kiermen cu e lo bay ta un medio pa yega na e gobierno y ta sigur cu e lo bay haci un tremendo trabao. “Mi no lo laga mi votadonan na caya,” Romero a bisa finalmente.

